



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sacrum Misericordiæ Palativm

Variis Sacræ-Scriptvræ Locis, Atqve Septem misericordiæ operibus quasi
peristromatibus exornatum

Gazaeus, Nicolaus

Augustae Trevirorum, 1618

Vtrum eleemosyna profit animabus defunctorum cum ex eorum intentione
fit. cap. 44.

[urn:nbn:de:hbz:466:1-54477](https://nbn-resolving.org/urn:nbn:de:hbz:466:1-54477)

fereri, qui pro exiguitate Eleemosynæ calumnias inferunt tribuenti, & blasphemias etiā inferunt Omnipotēti. Nec etiam eorū misereri cōuenit, qui benefactores subsanant. & irrident. Non quidē omnino non misereri, sed alijs vtilius succurrere oportet, his verò in summa necessitate positis.

~~~~~

VTRVM ELEEMOSY-  
NA PROSIT ANIMABVS DE-  
FUNCTORVM CVM BX EO-  
rum intentione fit.

# CAPVT XLIV.

**O**Mnem profecto ambigēdi occasionē tollit, tum sacrorū locorum approbatio, tum exemplorum non rara sed vsitata & frequens connumeratio. Prodesse namque animabus defunctorum Eleemosynas, insinuat illud Tobia 4. qui filium ad opus adeò sanctum exhortans inquit *Panem & vinum super sepulturā iusti constitue.* Vt quid verò panis & vinū ibidē constitueretur, nisi vt orationes p defunctis fidelib<sup>9</sup> ad Deū funderentur? Nō indiget pane neq; vino, qui sensibus humanis est destitut<sup>9</sup>; sed  
dum



2. Machab. 12.

dum hæc pauperi tribuuntur, eius præci-  
bus adiuuatur. Hoc sanè ducem strenuissi-  
mum, Iudam Machabæum ad opus tam  
sanctum stimulauit, vt pro defunctis duo-  
decim millia drachmas argenti Hierosoly-  
mam mittere non dubitauerit. Hoc etiam  
Paganos persensisse comperio, qui defun-  
cti ori argenteum nummum imponebant,  
quo Acherontis gratia comparata, ad Eli-  
fios campos properarent. Vnde Iuuenalis  
infelicitatem pauperum deplorans inquit:

Satyr. 3.

*Infelix nec habet, quem porreat ore tri-  
entem.*

Lib. 5. const.  
cap. 4.

Verum omiſſis Paganorum nugis atque  
superſtitionibus Apoſtolorum exempla  
ſeſtemur. Clemens Papa refert Apoſtolos  
Epiſcopis imperaſſe vt nomina benefacto-  
rum pauperibus recenſerent, quatenus il-  
li pro ſuis benefactoribus deum deprecu-  
rentur. Idem refert D. Petrum in pontifi-  
catu prædeceſſorem in ipſo mortis articu-  
lo curam mortuorum adſtantibus, feruen-  
tiſſimè commendafſe. Quod etiam opus  
laudabile, vobis non ſolum videndum, ſed  
& quaſi palpabile præſtare volens, Sancto-  
rum factis, Patrum teſtimonia adiungam.

Lib. 8. c. 42.  
¶ 43.

D. Auguſt. funerum pompas exceſſuſq;  
conuiuiorum increpans, ſuadet hos omnes  
ſuper.



superfluos sumptus in Eleemosynas con- *Epist. 64.*  
 uerti, quæ haud dubio, plus proderunt ani-  
 mabus mortuorum, quam hi sumptus ce-  
 dunt in honorem viuorum. Immò vt idem  
 testatur pl<sup>9</sup> profunt Eleemosynæ datæ pro  
 mortuis animabus defunctorum quam la- *Serm. de ver-*  
 chrymæ etiam omnium amicorum. Vnde *bis Apli.*  
 S. Paulinus Atheniensem quendam laudat, *Epist. ad A-*  
 quia amplas pro vxore defuncta largitus *leth.*  
 fuerat Eleemosynas. Extollitur & à D. Hie- *Epist. ad Pa-*  
 ron: Pammachius, quod vxori defunctæ per *mach.*  
 Eleemosynas suffragatus fuerat. D. Basilus  
 eleganter admodum & appositè inquit: *Si*  
*is qui obiit peccator erat, non modò plorare a-*  
*portet, verum Eleemosynas dare, aliaque, id one.*  
*Orat. de Laza-*  
*ri. resuscitati-*  
*one.*  
 genus prestare, quæ mortuo aliquam consola-  
 tionem adferre queant. Chrysostomus, hanc  
 liberalitatem summè prædicat, & nouo  
 quasi laudis genere extollēs, ideo dicit pau-  
 peres ad exequias cōuocari, vt eorum præ-  
 cibus adiutus defunctus requiem adipiscatur. *Hom. 32. in*  
*Matth.*  
 Quis malum esse dicat, quod Spiritu san-  
 cto disponente, ordinatum est? Has ergò  
 pro mortuis preces, & suffragia nemo con-  
 temnat, nam teste Chrysostomo à Spiritu *Hom. 21. in*  
 Sancto ordinatæ sunt. Nec papisticam pa- *act.*  
 gani dicant ordinationem, nec enim noua  
 est nec inusitata, sed à multis sæculis, & ab  
 M anti-



Hom. 41. in  
1. Corinth.

Super. 12. Luc.

antiquis etiam paganis recepta. Idem Chri-  
stomus mortuis subueniendum esse dicit,  
non lugubri lamentatione aërem quatiendo,  
sed Eleemosynas pauperib<sup>9</sup> largiendo  
sed sanctorū suffragiā implorando. Theop-  
hilactus, dictis, suam quoque, annectens  
sententiam, censet, non solū Eleemosynas  
animabus defunctorum prodesse ad venia-  
lis culpæ remissionē; sed etiam ad mortalis  
pœnæ, plurimum proficere subtractionē.  
Quæ sanè omnium Patrum testimonia in-  
dubitātū faciunt Eleemosynarū effectum.  
Nec ingratū fore arbitror, si eorū auctori-  
tatibus authenticū inseram exemplū. San-  
ctius Castiliæ Rex Lugdunū proficiscens  
fatali Parcarū stamine rupto interiit. Cui<sup>9</sup>  
corpus in monasterio quodā vicino sepul-  
tum, vxor quotidianis obsequijs honestare  
voluit. Igitur illa, die quodā corā altari pro-  
strata dum pro anima defuncti mariti Deū  
orat, stupendum cernit euentum. Apparet  
namq; anima mariti catenis cōstrincta fer-  
reis, nigrissimis comitata spiritibus. Stupet  
illa ad intuitū horrendi spectaculi, & attē-  
tius finem præstolatur euentus. Appropin-  
quat ille, vxoremq; bono iubet esse animo.  
Pars mihi inquit cum fidelibus est, verun-  
tamen crucior quoadusq; plenè pro deli-  
ctis



Etisatisfecero. Tu verò operibus bonis atque assiduis insiste Eleemosynis, quò citi⁹ his expediat cruciatibus. Illa præcepti non immemor, indigenti cuidam sacerdoti tunicam tribuit qua se contegat. Vix opus illud adeò sanctū à se recesserat, cū ecce cōparet ille qui à spiritibus olim vexabatur in candidis vestimentis, seque propter opus charitatis saluatum esse testatur. Mirandā sanè Eleemosynæ virtutem, quæ non solū spiritus expellit immundos, sed etiam gaudia retribuit sempiterna.

Vosigitur ô diuites quibus mædia suppetunt; qui indigentiam cernitis alienam, mementote charitatis, mementote egestatis. Sinè pudore mendicare non potest pauper, quod si in mendicitate erubuerit, proculdubio fame peribit. Videte ne aurum vel argentum quod pauperibus plerumq; subtrahitis fiat *aurum Tholosanum*, de quo ut inquit quidam poëta,

*Non gaudet tertius heres.*

Erasm. in  
chiliad.

Cauete ne dum pauperi partem denegatis argenti, malorum omnium participes efficiamini; furtorum, latrociniōrū & aliorum, quæ pauperiem teste Poëta concomitari solent.

Horat. lib. 2.  
carm.

*Magnum pauperies opprobrium iubet.*

*Quiduis & facere & pati. M 2 Vir-*



Ad Chari-  
dem.

Syll. Italic.  
carm. 24.

*Virtutisque viam deserit ardua.* Et subiungit Martialis.

*O quantum cogit egestas.* Et alius.

*Et deforme malum, & sceleri proclivis egestas.*

Ne igitur hæc omnia vestra de causa contingant date munificè, date liberaliter. Mementote quoniam antiquis mos erat, ut ciborum suorum partes mitterent egentibus. Nehemiæ namque 8. dicitur: *Mutamus partes his qui non preparauerunt pingui & mulsum.* Nec mirum, siquidem expedit ut membrum à membro adiuuetur. Nos ergo qui eiusdem Ecclesiæ membra sumus, auxiliatricem indigentibus dexteram porrigamus. Nec frustra pauperes in mundo esse quis dicat; si namq; pauperes nulli forent; quis diuitibus inferuiret? Sed & Leo mure indiget quandoque, ut fert fabula. Vos verò pauperes quibus mædia non tribuit Dominus: in patientia vitam degite. Vos namque, sicut & Lazarus æterna manent proemia. Consolamini, sicut & Iob in afflictionib<sup>9</sup> vestris, licet enim in sterquilinio hæreatis, sanie repleti; attamen duplicata vobis restituentur omnia. Consolamini inquam in egestate, ad instar Helix, nam si diuites Achabite vobis non subuenerint, susci-

Luc. 16.

Iob. 2.

2. Reg. 19.



fuscitabit Deus vel Angelos, vel coruos qui  
vestram subleuent indigentiam. Consola-  
mini in tribulationibus vestris ad exemplū  
Danielis; nam & si in lacum leonum demis-  
si fueritis, fuscitabit Deus Abacuc Prophe-  
tam qui vos inde eripiat & sustentet. Deni-  
que si ad instar Dauidis sub dio iacueritis,  
recipiet vos Deus in æterna tabernacula.  
Animosè igitur propera ad palmam paupe-  
rum cohors; *iacta super Dominum curam  
tuam & ipse te enutriet.*

Daniel. 4.

1. Reg. 21.

Psal. 54.

NON OMNES QVI E-  
LEEMOSYNAM FACIVNT  
ESSE SALVANDOS

## CAPVT XLV.

**L**icet Dominus noster Iesus Christus  
beatos prædicet Misericordes eisque  
præmia polliceatur æterna, non tamen  
quosuis Misericordes prædicat beatos, sed  
eos dumtaxat, qui Misericordiæ operibus  
charitatis atque fidei insignia coniunxerūt.  
Eos inquam qui vitiorum pestilentiam fu-  
gientes, virtutumque cacumina scanden-

M 3 tes